

11:1  
5

# SUFFRAGIUM THEOLOGICUM.



Ametſi in ea facti ſpecie, quæ Sac.  
Theolog. Patav. Collegio propoſita  
eſt, iſtud unum potiſſimè quæritur :  
An ſcilicet vir religioſus, Pyrauſta di-  
ctus, propè ſexagenarius malè ſe geſſe-  
rit, & an potiùs heroicæ virtutis actus

exercuerit duo illa incundo ſibi ſuccedentia connubia, &  
eo quidem propoſito, ut virginitatem egregiè hætenùs  
cuſtoditam in matrimonio quoque ſervaret, quam  
reapſè ſervavit; tamen cum alia nonnulla ſint inter-  
mixta, quæ niſi prius expendantur, ambigua fortàſſe,  
& non ſatis expedita fuerit ad quæſtionem reſponſio;  
operæ pretium nos facturos putamus, ſi hæc ipſa  
breviter in antecellum expenderimus, ut facilius inde,  
atque certius hac de re iudicium proferatur.

Tria itaque animadvertenda ducimus. Primùm qui-  
dem rectè diſtinguemus & initorum Connubiorum ra-  
tionem, & ſervatam in utriſque virginitatem: ut in  
primo quæri poſſit, an bene, ac prudenter ſe geſſerit,  
in altero verò an heroicæ virtutis ſpecimen dederit.  
De his enim hoc in negotio haud promiſcuè inquiren-  
dum: quandoquidem virtus eſt, non tamen heroica,  
matrimonium cum propoſito ſervandæ virginitatis ini-

A

re :

re : At heroica virtus est , à licita in matrimonio copula , servaro debitæ æquitatis jure , temperare .

Alterum verò quod animadverti debet , illud est ; Pyrausta scilicet propositum virginitatis servandæ sub conditione fuisse conceptum ; apposita enim est hæc particula *si possibile foret* . Immo verò non simplicem intendit Pyrausta virginitatem , sed perfectiorem , quæ in statu matrimonii ob majorem lætiam , tanquam aurum in fornace probaretur . quod liquet ex eo , quòd excellens Connubium Deiparæ cum Josepho sibi constituerit imitandum .

Tertium tandem animadversione dignum censemus ; nempe ubi quæritur , An in utriusque matrimonii contractu bene Pyrausta , rectèque se gesserit , duplicem esse distinguendam rectitudinis rationem , & in ordine scilicet ad seipsum , & respectu puellarum , quibus nupsit . nam potuit respectu sui probe se gerere , respectu verò conjugum peccare , si utramque debito jure fraudasset . Quemadmodum è contrario potuit etiam de Conjugii juribus cum Sponsis cavisse , defectum nihilominus in se admisisse : Si Virginitatis votum , E. C. , vel absolutum propositum concepisset ; neque certus ex parte conjugum de continentia custodia fuisset .

His animadversis , quid in causa Pyraustæ censendum sit partitè aperiemus . Et primò quidem , Pyraustam in utroque matrimonio respectu suipsum neque temerè , neque imprudenter se gessisse dicimus . Non temerè quidem ; nam is temerè operatur , propriè sumpta temeritate , ut à Theologis sumitur , qui sciens , ac volens peccandi se periculo exponit ; cui non se commisit Pyrausta , tum quia licita est matri-

mo-

mônialis copula, tum quia ab usu licitæ copulæ abstinere voto minimè se obstrinxerat: ac proinde violandæ virginitatis periculo expositus, notam temeritatis minimè incurrit. Neque imprudens dicendus est, nam imprudentia certè quidem esset, media aut inepta, aut contraria fini præstituto adsumere, essetque imprudens dicendus Pyrausta, si nulla urgente necessitate contrahendi matrimonium, duplex ipse matrimonium, ceu medium conservandæ virginitatis elegisset. At Pyrausta non ordinavit matrimonium, ut diximus, veluti medium ad virginitatem servandam, sed veluti perfectioris virginitatis finem, concepit ejusdem servandæ propositum, non absolutum quidem, sed conditionatum dumtaxat: quo fit, ut imprudentiæ notam effugerit. Neque inde imprudens dicendus, quòd, stante virginitatis proposito hastenùs egregiè servato, contractis connubiis sese periculo commiserit à virginali statu decedendi, propterea quia hujusmodi recessus à bono præstituto inconstantiam redoleat, quæ D. Thomæ. 2. 2. q. 53. art. 5. ad imprudentiam pertinere videtur. Nam cum Pyrausta neque votum, neque absolutum virginitatis propositum emiseric, contracto, etiam cum ordine, & affectu ad carnalem copulam matrimonio, minimè inconstans censendus erat. D. enim Thomas laudato loco docet, eam inconstantiam ad imprudentiam pertinere, quæ *recessum à bono proposito definito importat*; & rationem addit, quia *recessus à bono proposito non consummatur nisi per defectum rationis, quæ fallitur in hoc, quod repudiat id, quod rectè accepta verat*: quod quidem est à Pyrausta alienum, in quo nullum absolutum de virginitate propositum fuisse, ex facti narratione constat. apertissimè.

4  
Verum, quamquam hæc à communi temperitatis, & imprudentiæ nota Pyraustam liberent, fatendum tamen est in matrimoniis contrahendis defectum aliquem, & imperfectionem ipsum incurrisse; quandoquidem sese periculo exposuit à majore perfectione recedendi, ac propterea à perfectione aliquo pacto defecisse. Nam cum certum sit, Matrimonii statum esse virginali imperfectiorem, si Pyrausta per matrimonium discrimini amittendæ virginitatis, quam incorruptè coluerat, sese commisit sciens, & volens, periculo recedendi à priore perfectione item sese commisit. In defectum igitur incurrit. Neque enim securus erat de utriusque Sponsæ voluntate, quæ numquam debitum exposcerent; quibus aliquando petentibus, petere autem poterant, si reddidisset, virginitatis jacturam fecisset. Immo neque securus erat de propria voluntate; neque propter ætatem devexam, nam robustissimus dicitur; neque propter servatam hactenùs illibatam continentiam; quia poterat facillè Sponsæ contubernio ità affici, ut majorem carnis tribulationem sentiret. Quamquam enim longo anteaestæ vitæ experimento didicisset, præsens Dei auxilium in tuenda virginitate hactenùs sibi adfuisse; non propterea tamen certus unquam fuisset tantum Dei auxilium sibi adfuturum, quantum ut abstinere à licita copula fuisset necessarium. Major enim in viro, etiam probatæ virtutis, gratia requiritur, ut absterneat se à licitis, quàm ab illicitis actibus extra matrimonium, à quibus timoratæ Conscientiæ vehementius abhorrent. Quare communis est Theologorum sententia, uberiorem requiri Gratiâ ad vitanda omnia venialia, quam mortalia, atque uberrimam inde agnoscunt Theologi omnes Gratiâ in Deipara Virgine; quæ

quæ nulla vel veniali culpa sedata fuit. Multò igitur major requiritur Gratia, ut quis ex fine supernaturali absteat actu per se licito, in iis maximè circumstantiis, in quibus ad actum illum naturæ infirmitate vehementius allici potest quotidiano Sponsæ contubernio; quàm requiratur, ut numquam contrà continentiae virtutem peccet. Hinc fit, ut si quis omnes illicitas carnis voluptates effugiat, non propterea actus heroicæ virtutis perfecisse censetur, nisi singularis, & excel- lens quædam circumstantia interfuerit: virtutis tamen heroicæ specimen ille dedisse dicatur, qui Dei, & virtutis amore à licita in Matrimonio copula, servatis conjugii juribus abstinuerit. Unde igitur certè spondere sibi poterat Pyrausta tantam, adeoque excellentem Gratiâ consecuturum?

Accedit quod Pyrausta ita Matrimonium duplex contraxit, ut absolutum virginittis propositum non habuerit: paratus ergò erat humanæ imbecillitati morem gerere, si vel ex sua, vel ex conjugum infirmitate virginittatem, quàm proposuerat, custodire in matrimonio nequaquam valuisset. Quæ verò necessitas Pyraustam impulit, ut qui florentibus annis virginittatis amantissimus fuerat, senex factus matrimonium spontè selegerit, ut virgo quidem in eo permaneret, non absolutè tamen, sed usque dum naturæ legem in membris suis continere potuisset? Dum enim in matrimonio habuit conditionatum abstinendi à copula conjugali propositum, probè noverat se in matrimonio cum vitæ statum amplecti, in quo absolutè de sua, deque Sponsarum continentia securus non erat. Quo posito, quis unquam dixerit Pyraustam à perfectionis proposito non defecisse, cum lubens, ac volens nulla

urgente necessitate in amittendæ virginittis discrimen se coniecisset & Neque dicas, Pyraustam in casu à perfectione non recessisse, quia utrumque matrimonium majoris perfectionis causâ contraxit, ut nempe imitaretur Deiparæ, & D. Josephi Connubium: nam hoc pactq cum non levem vanitatis suspicionem dedisset; quandoquidem præsumpsisset, aut præsumpsisse videretur, eam se gratiam habiturum, quæ Deiparæ, & Josepho divinitus collata fuerat: tùm etiam imitandum sibi proposuisset Sanctissimam Dei Matrem in eo, quod ad perfectionem non attinet. Matrimonium enim cum virginitate comparatum, in quo subest copulæ ineundæ periculum, perfectionem non continet, cum status conjugalis ipsâ sit virginitate imperfectior: & Deipara, quam Patres, & Theologi votum virginittis emisisse docent, dum matrimonium divina ordinatione contraxit, certa erat de Virginitate servanda, Deo per interiorem illustrationem Virginis mentem confirman- te; qui de proposito Josephi Virginem certiore fecit, ne de violando castitatis voto timeret: nam si stante voto sine hac divina certitudine contraxisset, utique contra voti religionem peccavisset. Hæc verò a Deo ordinata sunt sapientissimè ad excellentissimum finem humanæ Redemtionis, medio hoc ineffabili matrimo- nio perficiendum.

Igitur cum Pyrausta, neque ex divina dispositione hujusmodi matrimonia ad sublimem aliquem finem ordinante contraxisset, neque virginittis servandæ certitudinem habuisset, in aliquam certè imperfectio- nem incurrisse censendus erit, celebratis duobus con- jugiis, quibus periculo à priori perfectione receden- di sese exposuit. Constat itaque ex dictis non qui- dem

dem in eo, quod nupsit temetè, & imprudenter egisse, sed in eo, quod periculo recedendi à perfectione sese commisit. Quare hac dumtaxat ratione si spectetur utrumque matrimonium respectu Pyraustæ, ob periculum recedendi à priori perfectione, ipsum non benè se gessisse omnino dicimus; propterea quia, quisquis divino præventus auxilio perfectioni operam dedit, si ab ea quoquo modo deflectat, aut ab eadem deflectendi periculo se exponat, rectè operari dici non potest.

Restat nunc ut videamus, An respectu utriusque sponsæ rectè sese gesserit Pyrausta, quod secundo loco expendendum posuimus, nam ex iis, quæ hac de re dicemus, planè constabit etiam quid sit dicendum de tertio, an scilicet servata virginitate in utroque connubio, quam quidem reapse servavit, actus virtutis heroicæ Pyrausta perfecerit.

Et sanè ad Sponsas quod attinet, ex facti specie non colligitur viri propositum illis innotuisse, easque in illud confessisse; ut propterea dubium sit, utrum reapse sive expressè, sive tacitè sponsæ consenserint. Quare proculdubio suspicioni locus est; Pyraustam contra Justitiam peccasse circa Matrimonii jura Sponsas fraudando. Utenim si certò constaret Sponsas in viri propositum nequaquam consensisse, liquidò etiam pateret Pyraustam peccavisse, secus verò si consensissent: ita pariter quia dubitatur, num cum viro scientes conspiraverint, meritò dubitatur an peccaverit contra Justitiam. Nemo enim est qui ignoret, nisi gravi crimine non posse invicem fraudare Conjuges Apost. testimonio 1. Corinth. cap. 7. Inquirendum igitur ad rem nostram diligentius, an in Pyraustæ Sponsis fuerit hujusmodi consensus sive

expressus, live tacitus, ac præsumentis. Expressum non fuisse, patet ex facti narratione, in qua nusquam reperitur Pyraustam Sponsis de suo proposito indicium fecisse, aut consensum expetivisse; sed tantum legitur Pyraustam dictitare consuevisse, sibi in votis esse talem nancisci Conjugem, cum qua in casto, & virginali connubio vivere liceret, oblatamque ab paupere, honestoque viro filiam eidem in Sponsam ætate tenellam, dote pauperem, virtutum decore divitem, eo sane fine ut Pyrausta maritus Sponsam à mundi periculis, atque à pudoris jactura ob pauperiem eriperet.

Hic animadvertendum, propositum Pyraustæ puellæ Parenti, ut ex facto liquet, innotuisse quidem, puellæ non item. At verisimile non est Patrem filiæ indicasse: immò longè verisimilius occultasse, ne nuptiis contrahendis impedimento esset. Nihil enim quicquam inops Pater magis optabat, quàm ut filiam ad hujusmodi nuptias alliceret, ut sine dote filiam collocaret, quæ res & sibi, & filiæ emolumento esse poterat. quod si filiæ manifestasset, ejus forsitan consensum in Inuptiis retardasset, præsertim spectata viri ætate ad senectutem devexâ, quæ non jucundi, & suavis matrimonii speciem, sed molestam, & insuavem præ se tulerat. Non expressus igitur utriusque Sponsæ consensus in propositum Pyraustæ adfuit, ut ex facto collegimus, cujus scriptor idè dubitanter hac de re loquitur, quia de expresso consensu nihil dicere potuit, dixisset autem si potuisset. An autem interpretativus consensus præextiterit, non est nostrum, sed Ecclesiæ determinare; nondum enim Sacra Congregatio Rituum legitimum hujus facti examen instituit, & de



de facti veritate pronunciavit . Quæ verò profertur à nonnullis hujus interpretativi consensus conjectura inde ducta , quod utraque sponsa siluerit , quòd nunquam debitum petiit , aut petere indicavit , mera conjectura est , quæ ad rem firmandam non sufficit . Silentium enim illud aut verecundia , aut modestia extorsit , quæ ut plurimum in honestis puellis obtinet , præsertim in virginibus tenellæ ætatis innocentissimis moribus præditis . Experientia enim plerumque compertum est , puellas hujusmodi sæpe numero vi pudoris se minime velle uti jure suo per silentium indicare , quamquam alias ægrè ferant jure suo fraudari ; gravique idcirco mœrore affectæ morbos contrahant gravissimos , ac propemodum insanabiles . Qui utique pudor adeò in foeminis honestis est attendendus , ut D. Th. in iv. Sent. dist. 38. quæst. 1. art. 2. quæstiuncula secundâ , ad quartum , loquens de eo qui per continentiae votum simplex , ut vocant , amisit jus petendi debitum in Matrimonio , si extante voto illud contraxit , & tantum reddere potest , hæc habet “ *Hoc autem intelligendum siue mulier petat expressè , siue interpretativè , ut quando mulier verecunda est* ” tunc enim ut occurrat uxoris verecundiæ , tenetur per D. Thomam offerre , id est ad interpretativam uxoris petitionem debitum reddere . Si ergo per D. Thomam , qui per votum jus petendi debitum amisit , tamen ubi mulier verecunda sit , & vir præsumat eam tacitè petere , reddere tenetur , etsi expressè non petit ; argumentum omnino certum est , silentium uxoris non petentis non fundare consensus præsumtionem , præcipuè in Virgine : & multò fortius , quia D. Thomas de uxore loquitur , jam a viro suo corrupta , nam ponit casum de viro  
jam

jam uxori obligato *per carnalem copulam præcedentem*. Quod si verecundia tanta esse potest in Coniuge jam à Viro corrupta; quantam prudenter credere possumus in duabus Virginibus Pyraustæ Sponsis fuisse verecundiam, quæ vix pubertatis annum ingressæ virtutibus, optimisque moribus ornatæ dicuntur, erga virum pro-  
 vectæ longius ætatis, quem veluti Patrem suspicie-  
 bant; earum quippe alteram, quam ab infantia in Sa-  
 cro puellarum Gynecæo ad ætatem usque nuptiarum  
 aluerat; veluti filiam semper habuit, & utraque cum  
 Pyrausta communem thorum non habuisse dicitur.  
 Igitur maximæ, quæ puellis inerat, verecundiæ Silen-  
 tium tribuendum petendæ copulæ videtur, quam ce-  
 teroquin forsitan exoptabant. Fœminæ enim dum nu-  
 bunt, copulam matrimonialem potissimum spectant;  
 in quam consentire videntur. Stat igitur in fœminis  
 præsumptio communis petendæ copulæ aliquando, etsi  
 non tempore determinato, si expresse non petant. Ita-  
 que debitum erat in Pyrausta, ut vel ante initum ma-  
 trimonium cum Sponsis de servanda virginitate conve-  
 niret, vel saltem post celebratum, & ratum, indica-  
 to Sponsis Proposito, eorumdem consensum explora-  
 re. Primo modo rectè & iustitiæ, & perfectioni con-  
 suluisset, servatâque inde virginitate, heroicæ virtutis  
 actum perfecisset. Quod si propositum suum post initum  
 dumtaxat matrimonium sponsis significasset, potuisset qui-  
 dem gradum debitæ iustitiæ tenere, si consensissent, certus  
 inde factus iura matrimonii uxores relaxare: Sed cum iniit  
 connubia non explorato ante uxorum consensu, periculo  
 recedendi à perfectione proposita sese exposuisset, quia  
 contingere poterat sponlas indicato eisdem viri proposito  
 post initum matrimonium, in id minimè fuisse consensuras.

Ne-

Neque verò sit qui putet, irritum futurum fuisse matrimonium Pyraustæ, si in contractu consensus uxorum cum pacto servandæ virginitatis expressisset. nam hujusmodi pactum prævium matrimonii validitatem minimè viciat. Id docent Canonistæ passim, & ratio suadet. & Theologi, qui putant hujusmodi pactum matrimonii substantiam destruere; explicandi quidem sunt non de pacto concomitante, sed de conditione suspensiva consensus, quæ donec impleatur matrimonium ratum non facit, ut mox ostendemus.

Nostri Pronunciati veritatem firmant, quæ sequuntur, rationum momenta. & primum quidem. Ad Matrimonii validitatem minimè est necessarius ordo ad copulam, ut fusè docet S. Aug. de Bono Conjugali contra Iovin. cap. 3. lib. 2. de Conf. Evang. cap. 1. & lib. primo de nuptiis & concupiscentia cap. 11. Cujus doctrina nititur Apostoli authoritati 1. Corinth. 7. v. 5. dicentis “ *Nolite fraudare invicem nisi forte ex consensu ad tempus, ut vacetis orationi, & iterum revertimini in idipsum, ne tentet vos satanas propter incontinentiam vestram* ” ubi Apostolus cum rō revertimini in idipsum concedat propter incontinentiam; idemque se dicere profiteatur secundum indulgentiam, non secundum imperium; quod ad tempus admittit, etiam in perpetuum admittere videtur. Unde S. Aug. laudato cap. 11. lib. primi de Nuptiis & concupiscentiâ perpetuam continentiam collegit hisce verbis “ *Quibus placuit ex consensu ab usu carnalis concupiscentiæ in perpetuum continere, absit ut inter illos vinculum conjugale rumpatur: immò firmitus erit, quo magis ea pacta secum inierint, quæ charius, concordiusque servanda sunt, non voluptariis Corporis*

poris nexibus, sed voluntariis affectibus animorum. Atque adeo pactum de servanda castitate contractui adjectum contra matrimonii substantiam esse non potest; alias illicitum, & nefas esset Conjugibus in matrimonio sese mutuo ad castitatem servandam obligare, quod nemo certe quidem affirmaverit. Ex namque conditiones, quas rato matrimonio honestè superaddere licet, matrimonio si præmittantur, ipsum irritum reddere nequeunt. Et sanè rem ità se habere illud argumento esse potest, quod statuit Alex. III. in Capite commissum de Sponsal: & matrim. Interrogatus enim ab eo, qui Sponsalia juramenti religione firmaverat, & deinde perfectioris vitæ in Monasterio suscipiendæ propositum sibi constituerat; Respondet Pontifex, juramenti religionem ab eo implendam esse per matrimonium ratum; eoque celebrato Monasterium ingredi, ut propositi compos fieret suavit. Profectò in allato casu, cum matrimonium celebrasset sine ullo ad copulam ordine, immò quo copulam penitus excluderet; si ordo ad copulam de substantia esset matrimonii, jam irritum, nullumque, matrimonium illud fuisset, atque adeò Pontifex in sua decretali Epistola ad matrimonium nullum, & illusorium celebrandum interrogantem induxisset: & pari etiam modo Juramentum, ob cujus religionem matrimonium illud propter sponsalia juramento firmata implendum erat, vinculum fuisset iniquitatis; quod utrumque dicere est perabsurdum. Igitur si matrimonium irritum ille non facit, qui eo animo contrahit, ut statim post ratum matrimonium, ab eodem, invito etiam altero conjugè, recedat, & monasterium ingrediatur; cur irritum Matrimonium ii reddent, qui casto mentis affectu de virginitate custod-

studienda in matrimonio paciscuntur? Quamquam enim  
 ad matrimonium, prout contractus rationem habet,  
 requiritur mutua conjugatorum proprii corporis tradi-  
 tio, hæc tamen per solum dominium, non verò per  
 dominii usum necessariò peragitur. quo sanè pacto  
 Theologi Beatissimæ Virginis matrimonium verum  
 fuisse affirmant, etsi antequam Josephi uxor fieret,  
 virginitatem vovit, certaue facta ex divina revela-  
 tione fuit Josephum Sponsum Virginitatis custodiendæ  
 propositum emisisse. Semel enim ad valo-  
 rem matrimonii traditionem tantum dominii in corpo-  
 ra, non usus necessariò requiri; ac stante etiam pacto  
 contractui adjecto de virginitate servanda dominium in  
 corpus tradi quidem, interdici autem solum usum; ex  
 hac doctrina, quæ verissima est, consequens fit, matri-  
 monium etiam cum tali pacto contractum fore firmum,  
 ac ratum. Immò verò multò minus contra matrimonii  
 substantiam facere videtur continentiæ pactum, quàm vo-  
 tum; quandoquidem à pacto possunt sine crimine per  
 mutuum consensum Conjuges recedere, ut etiam tra-  
 dito dominio licitè utantur; à voto autem sine pecca-  
 to resilire non possunt. Nos autem minimè latet hac  
 de re scrupulum quibusdam ex eo fuisse infectum,  
 quod in Cap. *Si Conditiones* de Condition. appol. lega-  
 tur: Contra substantiam Matrimonii esse conditionem  
 ad hunc modum appositam, *Contraho tecum si bonum  
 Proles vitaveris*: Sed textus ille nequaquam propo-  
 sitæ veritati refragatur; propterea quia Gregorius IX.  
 eo loco expressè loquitur de eo, qui turpiter adeò uxori  
 commisceri velit, ut certè generationem impediat, aut  
 alio inhonesto modo filiorum procreationem exturbet.  
 Desumptus enim locus ille Decretalium apparet ex Can.

*Soler*, & Can. *Aliquando* 22. q. 2., ut ibidem etiam notat Glossographus: quibus in locis Gratianus testimonia Augustini profert, quæ apertè veritatem à nobis assertam insinuant. Et quidem in laudato Canone *Soler* August. ex cap. 5. de Bono Conjugali hæc habet “ *Soler etiam quæsi cum masculus & Fœmina, nec ille maritus, nec illa uxor alterius, sibi met non Filiorum procreandorum, sed propter incontinentiam solius concubitus causa copulantur, ea fide media, ut nec ille cum altera, nec illa cum altero id faciat, utrum nuptia sint vocanda. Et potest quidem fortasse non absurdè hoc appellari Connubium, si usque ad mortem alicujus eorum id inter eos placuerit; & prolis generationem, quamvis non ea causa conjuncti sint, non tamen vitaverint, sed nolint sibi nasci filios, vel etiam opere aliquo malo agant ne nascantur. Alter verò Canon depromptus est ex Augustino lib. primo de Nuptiis & Concupisc. cap. xv., ubi hæc leguntur “ *Aliquando eo usque pervenit hac libidinosa crudelitas, vel libido crudelis, ut & sterilitatis venena procures, & si nihil valuerit conceptos fatus aliquando intra viscera extinguat, ac fundat ..... Prorsus si ambo tales sunt, conjuges non sunt. Et si ab initio tales fuerunt, non sibi per connubium, sed per stuprum potius convenerunt* “ Quæ cum ita se habeant; si qui sunt Theologi, qui docent pactum, aut conditionem adjectam castitatis in matrimonio servandæ matrimonium irritum reddere, propterea quia tale pactum contra Matrimonii substantiam videtur; ii explicari omninò debent de ea conditione, quæ consensum suspendit in matrimonio, eumque retardat, usque dum sit impleta conditio, quod & nos verum esse fatemur. nam si quis matrimonium contractum hac conditione celebraret, *Contraho secum, si nunquam nos inter copula sequetur* jam*

jam consensus absolutus in Matrimonium nullus esset, nisi impleta conditione, atque adeo cum copula posset semper sequi, usque dum paciscentes in vivis sunt, nunquam suum haberet effectum consensus, nec matrimonium utroque vivente conjuge verum esset; quia numquam impleretur hæc negans conditio. quo sanè sensu proculdubio loquitur D. Thomas qui pro contraria sententia laudatur. Etenim in IV. Sent. dist. 30. Quest. 2. art. 1. ad 2. & 3. hæc habet “ *Ad primum dicendum quodd B. Virgo antequam contraheret cum Joseph fuit certificata divinitus quodd Joseph in simili proposito erat, & ideo non se commisit periculo nubens, nec tamen propter hoc aliquid veritati deperit; quia illud propositum non fuit conditionaliter in consensu expositum. Ubi verò pactum consensum sequitur, ut sunt pacta dotalia, & id genus alia, quæ potius onera contractui adjecta dicenda sunt; ea neque impediunt, neque irritum contractum reddunt, si utriusque contrahentis consensus accesserit. Quare si Pyrausta in utroque Matrimonio Sponsis indicasset, se cum iisdem connubia eo pacto, seu obligatione inire, ut à copula perpetuò abstineret, atque in id virgines illæ consensissent, matrimonium utrumque ratum utique fuisset, & servata in matrimonio virginitate, ex hoc capite heroicæ virtutis actus exercuisset. quod cum minimè fecisse constat; constat item ex supradictis, ob periculum recedendi à proposito perfectiori, cui se exposuit, defectum incurrisse: ob præsumptionem majoris Gratiæ, non adhibitis adhibendis, nimiam in se confidentiam habuisse; tandem ob non exploratum antea Sponsarum consensum suspicionem labis injustitiæ erga sponfas à se depellere non posse. Quæ quidem omnia in causa sunt, ut non immeritò Pyraustam*

stam , nec benè se gessisse , nec actum heroicæ virtutis exhibuisse judicemus . Quæ verò in contrarium circumferuntur argumenta , ex eo potissimum ducta , quod in libello , quo hujus venerabilis Viri gesta continentur ; multa dicuntur ab illo patrata miracula , multæque editæ operationes virtutum ; nihil profecto ad rem faciunt . Virtutes enim , & miracula istiusmodi , quæ eo libro narrantur , cum nondum ab Ecclesia probata fuerint , quem exitum habitura sint , ignoramus propterea quia experimento novimus , ex bene multis cum miraculis , tum actibus heroicarum virtutum Sacræ Rituum Congregationi ad examen propofitis in causis Canonizationum aliquando vel nulla , vel admodum paucâ fuisse approbata . Præterea , ut demus hæc ita non esse , & ut vera deinceps à Congregationum Rituum admiffa , sufficient fortasse ad sanctitatem Viri Religiosi statuendam : minimè verò sufficient , ad heroicæ virtutis rationem omnibus , & singulis actibus communicandam ; dicere enim possemus si quod maculæ hoc in negotio contraxit , Virum Sanctum vel suis operibus cluisse : non enim omnes & singulas Sanctorum Virorum operationes in heroica virtute positas esse , necesse est . Nam peccasse quandoque viros quosdam Sanctissimos , quos modo colimus , inficiabitur nullus . Quod modo in questione versatur illud est ; an hoc in facto virtutis heroicæ actum Pyrausta exercuerit , quod nos minimè affirmandum esse putamus ratione non una , eaque , ut nobis videtur , satis aperta , ut hoc in scripto quantum satis , ostendimus . Salvo &c.